

К ОПУБЛИКОВАНИЮ
КОМИ РЕСПУБЛИКАСА ВЕСЬКӖДЛАН КОТЫРЛӖН
ШУӖМ

**Уна челядя семьясысь челядьӥс,
кодъяс велӧдчӧны канму да муниципальной
велӧдан организациясын подув тшупӧда ӧтув,
шӧр тшупӧда ӧтув велӧдан уджтасъяс серти,
дон босьттӧг пӧсь сӥянӧн вердӧм йылысь**

“Коми Республикаын олысьяслы социальнӧя отсалӧм йылысь” Коми Республикаса Оланпаслӧн 19 статьяса 1 юкӧнлысь 5.1 пункт, 21 статьяса 2 пунктлысь “ф-3” пунктв збыльмӧдӧм могысь Коми Республикаса Велькӧдлан котыр шуис:

1. Урчитны уна челядя семьясысь челядьӥс, кодъяс велӧдчӧны канму да муниципальной велӧдан организациясын подув тшупӧда ӧтув, шӧр тшупӧда ӧтув велӧдан уджтасъяс серти, луннас ӧтчидысь дон босьттӧг пӧсь сӥянӧн вердӧмӧн социальнӧя отсалан мералысь ыдждасӧ (водзӧ – дон босьттӧг пӧсь сӥян) – ӧти велӧдчысь вылӧ 68,5 шайт.

2. Вынсӧдны Уна челядя семьясысь челядьӥс, кодъяс велӧдчӧны канму да муниципальной велӧдан организациясын подув тшупӧда ӧтув, шӧр тшупӧда ӧтув велӧдан уджтасъяс серти, луннас ӧтчидысь дон босьттӧг пӧсь сӥянӧн вердан пӧрадок содтӧд серти.

3. Тшӧктыны Коми Республикаса удж, уджӧн могмӧдан да социальнӧя доръян министерстволы:

1) сетны дон босьттӧг пӧсь сӥянсӧ Коми Республикаса канму сьӧмкуд учреждениеяс – олысьяссӧс социальнӧя доръян ӧтувъя шӧриньяс пыр;

2) сетны тайӧ шуӧмсӧ збыльмӧдӧмкӧд йитчӧм гӧгӧрвоӧдӧмъяс.

4. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Велькӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти координируйтӧ Коми Республикаын торъя категория гражданаӧс социальнӧя доръян, налы социальнӧя отсалан, тӧрасян да тӧждысян, сы лыдын бать-мамтӧм да бать-мам дӧзьӧртӧг кольӧм челядьлы, бать-мамтӧм да бать-мам дӧзьӧртӧг кольӧм челядь лыдысь йӧзлы, а сӧдзжӧ йӧзлы, кодъяс велӧдчан периодӧ воштӧсны бать-мамсӧ либӧ дзик ӧти батьсӧ (мамсӧ), социальнӧя отсалан юкӧнын канму политика збыльмӧдан юалӧмъяс серти Коми Республикаса олӧмӧ пӧртысь власьт органьяслысь уджсӧ.

5. Тайӧ шуӧмыс вынсялӧ 2024 вося кӧч тӧлысь 1 лунсянь.

СЫКТЫВКАР

2024 вося сора төлһысь 3 лун

278 №

ВЫНСЬӨДӨМА
Коми Республикаса Веськөдлан котырлөн
2024 во сора төлысь 3 лунся 278 №-а шуомён
(содтөд)

Уна челядя семьясысь челядьёс, кодъяс велөдчöны
канму да муниципальной велөдан организациясын подув тшупöда öтүв,
шөр тшупöда öтүв велөдан уджтасьяс серти,
луннас öтчыдысь дон босьтöг пöсь сёянөн вердан

ПÖРАДОК

1. Тайö Пöрадокыс ладмөдö уна челядя семьясысь челядьёс, кодъяс велөдчöны Коми Республика мутасын меститчысь канму да муниципальной велөдан организациясын подув тшупöда öтүв, шөр тшупöда öтүв велөдан уджтасьяс серти, луннас öтчыдысь дон босьтöг пöсь сёянөн вердöмөн социальнöя отсалан мера сетан юалöмъяс (водзö лöсялöмөн – Пöрадок, социальнöя отсалан мера, вердöм, велөдчысьяс, велөдан организация).

2. Велөдан организацияс вердöны очнöя велөдчысьясöс занятиеяс вылö наён волан лунö, кутшöмъясöс урчитöма велөдан организациялөн велөдан планөн, кодъяслөн федеральнöя оланпастэчас да (либö) Коми Республикаса оланпастэчас серти мукöд подув серти вердöм вылö инöдыс абу, “Коми Республикаын олысьяслы социальнöя отсалöм йылысь” Коми Республикаса Оланпас серти (водзö – Коми Республикаса Оланпас) уна челядя семьялы социальнöя отсалан мераяс сетан период вылö.

Сійö лунъясö, кор велөдчысь эз волы велөдан организацияö занятиеяс вылö, сы лыдын шойччан, праздник да каникул лунъясö, кутшöмъясöс урчитöма велөдан организациялөн тшöктан актөн, оз вердны.

3. Вердöмөн социальнöя отсалан мералысь ыдждасö урчитöма “Уна челядя семьясысь челядьёс, кодъяс велөдчöны канму да муниципальной велөдан организациясын подув тшупöда öтүв, шөр тшупöда öтүв велөдан уджтасьяс серти, дон босьтöг пöсь сёянөн вердöм йылысь” Коми Республикаса Веськөдлан котырлөн 2024 во сора төлысь 3 лунся 278 №-а шуомён.

Вердöмөн социальнöя отсалан мералөн ыдждаыс содö районнöя коэффициент ыджда вылö, кутшöмөн вöдитчöны лöсялана велөдан организацияын удждон дорö.

4. Велөдчысьясöс вердöны челядьёс öтүв вердöмсö котыртöм дорö санитарно-эпидемиологическöй корöмъясөн урчитöм нормаяс серти.

5. Велөдчысьясöс вердöны кос сёян-юан наборён сэк, кор:

- 1) велөдан организацияын пищевöй блокыс абу;
- 2) велөдчысьяс велөдчöны муниципальной юкöнысь бокын, кöнi меститчö велөдан организацияыс, либö велөдан организацияысь бокын сэк, кор тайö организацияöдз подөн воöдчыны оз позь;
- 3) велөдан организацияса пищевöй блокысь уджсö дугöдлöны либö

дугөдöны санитарно-эпидемиологическöй службалöн заключение либö предписание серти;

4) велöдчигöн нуöдöны мероприятияс, кутшöмъясöс котыртöма велöдан организациясыс бокын (велöдчысыс пырöдчöны карса, республиканскöй олимпиадаясö, спортивнöй ордйысöмъясö, велöдчанiнъяслöн ярмангаясö, фестивальясö, конкурсыасö, выставкаясö, экскурсиясö, научно-практическöй конференциясö);

5) збыльмöдöны дистанционнöя велöдан технологиясöн вöдитчöмөн велöдан уджтасыс.

Велöдчысöс кос сёян-юан наборöн могмöдыс организациясыс урчитсö велöдан организацияöн.

6. Велöдчысöс вердöм могыс бать-мам (оланпас серти петкöдлысыс) либö велöдчыс, кодi Россия Федерацияса оланпастэчас серти тырвыйö лоис кывкутны вермысöн (морт, кодi Россия Федерацияса оланпастэчас серти лоö сiйöс петкöдлысöн), (водзö – шыöдчыс) сетö велöдан организацияö заявление да татшöм документъяс:

1) шыöдчысöс эскöдыс документ (сэк, шыöдчыс нимсянь уджалö морт, кодi Россия Федерацияса оланпастэчас серти лоö сiйöс петкöдлысöн, содтöд сетсö петкöдлысöс эскöдыс документ да лöсялана уджмогыс эскöдыс документ);

2) уна челядя семьялыс статуссö эскöдыс эскöданпас.

Велöдан организацияса специалист, кодi кывкутö документъяс примитöм вöсна, вöчö шыöдчысöн сетöм документъяслыс копияс (водзö – документъяс), кутшöмъясöс индöма тайö пунктлöн 1 да 2 пунктувьясын, вöчö на вылын гижöд сы йылыс, мый найö лöсялöны подлиннöй экземпляръяслы, эскöдö аслас кырымпасöн ов да инициалъяс индöмөн да бöр сетö подлинникъяссö шыöдчыслы документъяс сетан лунö веськыда приём дырйи.

Велöдан организация пасйö заявлениесö да тайö пунктын индöм документъяссö шыöдчысöн найöс сетан лунö, кодлы документъяс сетан лунö сетöны гижсöг-уведомление сетöм документъяслыс лыддьöгсö да найöс примитан кадпассö индöмөн.

Заявлениелыс, гижсöг-уведомлениелыс формаяссö вынсьöдö Коми Республикаса удж, уджöн могмöдан да социальнöя дорьян министерство да найöс йöзöдöны “Öтуввез” юöртан да телекоммуникация везйын сылöн официальной сайтын найöс вынсьöдан лунсянь 5 уджалан лун чöжөн.

7. Шыöдчыс вермö ыстыны заявлениесö да документъяссö пошта пыр мöдöдöмөн.

Сэк, кор тайö Пöрадоклöн 6 пунктын индöм документъяссö ыстöны пошта пыр мöдöдöмөн, документъяслыс подлинникъяссö (заявление кындзи) оз ыстыны, документ копияслыс стöчлунсö эскöдöны да заявлениеын шыöдчыслöн кырымпаслыс збыльлунсö эскöдöны федеральной оланпастэчасöн урчитöм пöрадокын. Велöдан организацияö заявление да документъяс сетан лунöн лыддысö велöдан организацияын найöс пасьян лун. Велöдан организация пасйö индöм заявлениесö да

документъяссö велöдан организацияö налөн воан лунö. Гижсьöг-уведомлениесö ыстöны шыöдчысьлы пошта пыр мөдöдöмөн велöдан организацияын документъяс пасъян лунсянь 3 уджалан лун чöжөн.

8. Велöдан организация примитö велöдчысьöс вердöм йылысь либö вердöмын öткажитöм йылысь помшуöмсö велöдан организациялөн тшöктан актөн заявление да тайö Пöрадоклөн 6 пунктын индöм документъяс пасъян лун бöрын мунысь 3 уджалан лун чöжөн.

9. Велöдчысьöс вердöмын öткажитöм йылысь помшуöм примитöм вылö подувъясөн лоö сійö, мый:

1) тайö Пöрадоклөн 6 пунктын индöм документъяссö абу сетöма либö сетöма абу тырвийö;

2) Коми Республикаса Оланпас серти шыöдчысьлөн вердöм вылö инöдыс абу;

3) велöдчысьöс вердöны федеральной оланпастэчас да (либö) Коми Республикаса оланпастэчас серти мукöд подув серти.

Велöдан организация заявление да тайö Пöрадоклөн 6 пунктын индöм документъяс пасъян лунö вöчö запрос тöдмөгъяс серти, кутшöмъяс эскöдöны велöдчысьлысь Коми Республикаса Оланпас серти вердöм вылö инöдсö, Коми Республикаса канму сьöмкуд учреждениеын – велöдан организациялөн меститчанін серти олысьясöс социальнöя доръян öтувъя шöринын (водзö – шöрин) ведомствокоствса юөрөн йитчöм серти. Шöрин ыстö велöдан организациялөн запрос вылö вочакывсö татшöм запрос босьтан лунсянь 1 уджалан лун чöжөн.

10. Велöдчысьöс вердöм йылысь либö вердöмын öткажитöм йылысь помшуöм примитан лунсянь 3 уджалан лун чöжөн велöдан организация юөртö шыöдчысьлы примитöм помшуöм йылысь заявлениеын индöм ногөн. Сэк, кор примитöма велöдчысьöс вердöмын öткажитöм йылысь помшуöм, уведомлениеын гижöны подувъяс, кутшöмъяс серти примитöма татшöм помшуöмсö.

11. Шыöдчысь вермö выль пöв шыöдчыны велöдан организацияö велöдчысьöс вердöмын öткажитан подувъяссö бырöдöм бöрын, кутшöмъясöс урчитöма тайö Пöрадоклөн 9 пунктөн.

12. Вердöны вердöм йылысь помшуöм примитан лун бöрын мунысь лунсянь.

13. Велöдчысьöс вердöмсö сьöм компенсация вылö вежны оз позь.

14. Велöдчысьöс дугдöны вердны татшöм лоöмторъяс артмигөн:

1) велöдчысь да велöдан организация костын велöдан йитöдъясыс помасисны;

2) велöдчысьлөн вердöм вылö инöдыс вошис Коми Республикаса Оланпас, тайö Пöрадок серти.

15. Велöдан организация примитö велöдчысьöс вердны дугöдöм йылысь помшуöмсö велöдан организациялөн тшöктан актөн:

1) тайö Пöрадоклөн 14 пунктса 1 пунктулөн урчитöм подув артман лунö;

2) тайö Пöрадоклön 14 пунктса 2 пунктулön урчитöм случайын шöринсянь велöдан организацияö гижöм юөр воан лунö.

16. Велöдчысьöс дугдöны вердны велöдан организацияөн лöсялана помшуöм примитан лун бöрын мунысь лунсянь.

17. Шыödчысьлы быть колö тайö Пöрадоклön 14 пунктса 2 пунктулын индöм лоöмтор артман лунсянь 3 уджалан лун чöжөн гижöмөн юöртны велöдан организацияö татшöм лоöмтор артмöм йылысь.

Шыödчысь кывкутö велöдан организацияö тöдмөгъяссö ас кадö сетöм да налön збыльлун вöсна.

18. Велöдан организацияяс быд тöлысь, отчётнöй тöлысь бöрын мунысь тöлысьлön 6-öд лунысь оз сёрджык, сетöны шöриньясö:

1) видзан связь каналъясөн вöдитчöмөн велöдчысьяслысь электроннöй реестр (водзö – реестр) отчётнöй тöлысьын велöдчысьясөн сёян-юан босьтан лун лыдсö да отчётнöй тöлысьын велöдчысьяслы сёян-юан донсö индöмөн;

Велöдан организация лöсьöдö реестрсö да сэтчö пыртöны велöдчысьлön ов, ним, вич йылысь, велöдан организация, класслön номер да шыпас (эм кө) йылысь тöдмөгъяс, социальнöя отсалан мера сетан период;

2) бумага вылын да электроннöй документъяс, кутшöмъясöс урчитöма сёрнитчöмъясөн, кутшöмъясöс кырымалöны велöдан организацияяс да велöдан организацияслön меститчанін серти шöриньяс (водзö – сёрнитчöмъяс).

19. Шöриньяс тайö Пöрадоклön 18 пунктын индöм документъяс подув вылын сетöны велöдан организацияяслы быдтöлысья мынтöм сёрнитчöмъясөн урчитöм öтувъя мындаын да кадколастьясö.

20. Коми Республикаса удж, уджөн могмöдан да социальнöя доръян министерство сьöмөн могмöдö вердöм серти рöскөдсö лöсялана финансöвöй во вылö Коми Республикаса республиканскöй сьöмкуд сьöм тшöт весьтö сьöмкуд көсйысьöмъяслön индöм лимитьяс мындаын.

21. Тайö Пöрадокö кутчысьтöмысь, сёрнитчöмъяс серти мыччöдъяслön збыльлунысь да найöс ас кадö сетöмысь кывкутöны велöдан организацияяс да шöриньяс.

22. Велöдчысьясöс вердöм вылö сьöмыс лоö торъя могаөн да сійöс оз позь видзны мöд мог вылö.

23. Велöдчысьясöс вердöмкөд йитчöм вензьöмъяссö разьöны оланпастэчасөн урчитöм пöрадокын.